

Aðalfundur Leiknar (13. aðalfundur) haldinn þriðjudaginn 25. apríl kl. 12:00-13:00 hjá Fræðslunetinu á Selfossi.

Mættir voru aðilar frá 14 (af 19) stofnfélögum:

Austurbrú: Guðrún Á. Jónsdóttir

Símei: Valgeir Magnússon, Helgi Sævarsson

Fræðslumiðstöð Vestfjarða: Elfa Hermannsdóttir, Þuríður Sigurðardóttir

Símenntunarmiðstöðin á Vesturlandi: Inga Dóra Halldórsdóttir, Guðrún Vala Elísdóttir

Endurmenntun Landbúnaðarháskólans: Guðrún Lárusdóttir

Fræðslusetrið Starfsmennt: Guðfinna Harðardóttir, Björg Valsdóttir, Sólborg A. Pétursdóttir

Viska- Vestmannaeyjum: Valgerður Guðjónsdóttir, Sólrún Bergþórsdóttir

Farskólinn á Norðurlandi vestra: Bryndís Þráinsdóttir, Sandra Hilmarsdóttir

Fræðslunet Suðurlands: Eyjólfur Sturlaugsson

Fjölmennt: Helga Gísladóttir

Mímir: Anna Kristín Gunnarsdóttir

Námsflokkar Reykjavíkur: Iðunn Antonsdóttir,

Þekkingarnet Þingeyinga: Óli Halldórsson

Guðrún Vala Elísdóttir setti fundinn og bauð fundarmenn velkomna. Guðrún Vala hefur verið starfandi formaður síðan Hulda Anna Arnljótsdóttir hætti formennsku 1. febrúar. Hún stakk upp á Ingu Dóru Halldórsdóttur sem fundarstjóra og Helgu Gísladóttur sem ritara og var hvorutveggja samþykkt. Að þessu loknu hófst dagskrá aðalfundarins.

Dagskrá:

1. Skýrsla stjórnar

Guðrún Vala Elísdóttir kynnti skýrslu stjórnar og fór yfir helstu verkefni og áherslur starfsársins. Ný stjórn hélt fimm stjórnarfundum á starfsárinu 2016-2017, sem allir voru haldnir í Reykjavík og Skype fjarfundur notaður þegar með þurfti. Allar fundargerðir stjórnar eru birtar á netinu þegar að þær hafa verið samþykktar af stjórnarmönnum. Á vefsíðu Leiknar má einnig finna önnur gögn, skýrslur og vefslóðir sem tengjast starfseminni. Um áramót lét Hulda Anna Arnljótsdóttir af störfum hjá Starfsmennt og hætti þar með sem formaður Leiknar. Guðrún Vala Elísdóttir tók við formannsstarfinu fram að aðalfundi, þar sem varaformaður forfallaðist. Eru Huldu færðar þakkir fyrir góð störf í þágu Leiknar og fullorðinsfræðslunnar.

Leikn skipulagði átta fjarfræðsluerindi á starfsárinu en markmiðið með fjarfræðsluerindunum er að ná til þeirra sem vinna að fullorðinsfræðslu með stuttum innslögum um það sem efst er á baugi hverju sinni. Sex erindi voru haldin og með sama sniði og áður.

Fjarfræðsluerindin voru:

Þriðjudagur 26. apríl 2016: „Áætlanagerð í verkefnum.“ Ólafur Ástgeirsson, sviðsstjóri bygginga- og mannvirkjasviðs hjá Iðunni fræðslusetri, veitti okkur innsýn í utanumhald og skipulag verkefna.

Þriðjudagur 4. október 2016: „Listin að lifa og læra saman - um traust og virðingu í samskiptum þvert á menningarheima“. Anna Lára Steindal verkefnisstjóri hjá Rauða krossinum fjallaði um fjölmenningu og fordóma.

Þriðjudagur 1. nóvember 2016: „Evernote- sem engu gleymir“. Guðmundur Þór Reynisson kerfisfræðingur fjallaði um kosti upplýsingatækni til að halda utan um upplýsingar, án þess að prenta. Hann tók m.a. dæmi um Evernote og fleiri öpp.

Þriðjudagur 6. desember 2016: „Efling menntunar í ferðaþjónustu og matvælaframleiðslu á Vesturlandi“. Signý Óskarsdóttir, verkefnastjóri hjá Bifröst og SSV flutti erindið.

Þriðjudagur 10. janúar 2017: „Finnstur fjarkennsluvefur og stuðningur á netinu“. Fjallað um finnskt fjarnámskerfi í Otava sem leggur áherslu á aðgengi, einfaldleika, traust og sjálfstæði í vinnubrögðum. Um er að ræða myndrænan og vel skipulagðan námsvef með þróaða stuðningsþjónustu. Kynnir var Miia Siven, fjarkennslustjóri.

Þriðjudagur 7. mars 2017: Hörður Baldvinsson, verkefnastjóri stóriðjuskólans. „Frá áhuga til árangurs“. Hörður fjallaði um samstarf Símenntunarmiðstöðvarinnar á Vesturlandi, Fjölbrotaskóla Vesturlands og Norðuráls í stóriðjuskólanum og sagði frá því að talsvert margir nemendur halda áfram námi og ná sér í löggild iðnréttindi.

Tvö erindi sem skiðulögð voru féllu niður vegna forfalla fyrirlesara. Annað átti að halda þriðjudaginn 7. febrúar og heitir: „Vinnuvistfræðileg námsumhverfi og kennarapúlitið að hverfa?“ Fyrirlesari er Jesper Andreasen frá VUC í Haderslev. Hitt erindið átti að halda þriðjudaginn 6. apríl og fjallar það um notkun Mailchimp. Von er til þess að erindin verði haldin síðar á árinu.

Leikn á í margvíslegu samstarfi við fræðsluaðila, stjórnvöld og stofnanir á sviði menntunar. Þess ber að geta að Leikn er ekki í formlegu sambandi við stjórnkerfið s.s. mennta- og menningarmálaráðuneyti. Leikn heldur þó vöku sinni þegar kemur að álitserðum og sameiginlegum hagsmunum fullorðinsfræðsluaðila.

Enn fremur er Leikn í samstarfi við önnur skyld félög og stofnanir sem styðja við framkvæmd fullorðinsfræðslu. Sérstaklega ber að nefna Kvasir, en samstarfið er gott t.d. um sameiginleg málefni og fundi, sbr. ráðstefnur og fræðslu í tengslum við aðalfundi.

Guðrún Vala sagði frá vinnu við Íslenska hæfnirammann en Leikn hefur frá árinu 2013 tekið þátt í þróun hans. Þann 12. október 2016 undirrituðu Mennta- og menningar- málaráðuneyti, Alþýðusamband Íslands (ASÍ), Samtök atvinnulífsins (SA), BSRB, Kvasir, Leikn, Bandalag háskólamanna (BHM), Samtök íslenskra framhaldsskólanema (SÍF) og Landssamtök íslenskra stúdenta (LÍS) yfirlýsingu um hæfniramma um íslenska menntun sem ætlað er að endurspeglar stigvaxandi hæfnikröfur í formlegu og óformlegu námi á Íslandi. Undirritunin markar tímamót hvað varðar áherslu á sýnileik ævilangrar menntunar sem fer fram bæði við nám og störf en hæfniramminn nýtist fyrst og fremst almenningi sem tenging milli formlegs og óformlegs náms. Hæfniramminn hefur tvíþættan tilgang; annars vegar að auka gagnsæi innan menntakerfis viðkomandi lands og hins vegar að auka gagnsæi milli evrópskra menntakerfa. Mikil vinna hefur átt sér stað síðast liðin ár til þess að ná þessum áfanga.

Guðrún Vala sagði frá alþjóðlegu samstarfi sem Leikn tekur þátt í. Mestur tími hefur farið í norrænan baltneskan vinnuhóp innan EAEA (European Association for the Education of Adults). Sá hópur hefur hist tvisvar á ári að meðaltali. Á vorfundi hafa allir hist og á haustfundi hafa einungis norðurlandþjóðirnar hist. Á starfsárinu 2016 var að þessu sinni bara haldinn einn fundur, í maí í Finnlandi og mættu formaður og gjaldkeri Leiknar á fundinn. Er þetta annað árið í röð þar sem nýtt fyrirkomulag á fundum var viðhaft.

Í ár voru það aðallega fjögur málefni sem fjallað var um;

- Fjármál og minnkandi fjármagn í öllum löndum í starfsemi framhaldsfræðslunnar
- Nýtt regluverk í framhalds- og fullorðinsfræðslu á Norðurlöndum og í baltnesku löndunum
- Ný þekking og færni varðandi kennslu á sviði framhalds- og fullorðinsfræðslu.
- Aukning flóttafólks til Norðurlandanna og fræðsla til þeirra.

Í máli Guðrúnar Völu kom fram að ákveðið var að fækka fundum og halda héðan í frá bara einn fund á ári og gera jafnframt tilraun til að tengja þann fund eins og hægt er við einhverja uppákomu innan fullorðinsfræðslugeirans eins og t.a.m. ráðstefnur. Um leið var hvatt til þess að allir í norræna baltneska hópnum tækju þátt í stærri fundum EAEA a.m.k. einu sinni á ári, eins og t.a.m. ársfundi sem haldinn er í upphafi sumars ár hvert.

Í maí 2017 verður fundur norræna baltneska EAEA hópsins haldinn í Jönköping í Svíþjóð og verður hann í tengslum við ráðstefnuna „NCAEL- 7th Nordic Conference on Adult Education and Learning“ og loka uppgjör flóttamannaverkefnisins „New Nordic research and successful models of integration through non-formal adult education“. Á fundinn

fara formaður og gjaldkeri Leiknar. Í lok júní 2017 verður ársfundur EAEA ásamt ráðstefnunni „Engaging New Learners“ haldinn í Girona á Spáni og er stefnt að því að senda tvo fulltrúa frá Leikn á þann fund.

Leikn tekur þátt í innlendum og erlendum samstarfs- og þróunarverkefnum á þann hátt að virkja stjórnarmenn eða stofnfélaga til þátttöku. Á starfsárinu var unnið að tveimur samstarfsverkefnum. Annað verkefnið kallast GOAL (Guidance and Orientation for Adult Learners). Fræðslumiðstöð atvinnulífsins er aðili að verkefninu og á Leikn á fulltrúa í samráðshópi þess. Samstarfsaðilar FA eru Mímir-símenntun og Miðstöð símenntunar á Suðurnesjum. Fulltrúi Leiknar er Guðrún Vala Elísdóttir hjá Símenntunarmiðstöð Vesturlands. Verkefnið snýst um ráðgjöf og leiðsögn fyrir fullorðna námsmenn. Það miðar að því að þróa leiðir fyrir heildstæða ráðgjafarþjónustu fyrir hópa í samfélaginu sem sækja síður í nám. Byggt er á þjónustu sem nú er til staðar í löndunum og lögð áhersla á meiri árangur með auknu samstarfi allra hagsmunaaðila. Hitt verkefnið fjallar um fullorðinsfræðslu, flóttamenn og virkni á vinnumarkaði. Áhersla er lögð á eflingu mannauðs flóttafólks og er verkefninu ætlað að þróa aðferðir til að þjónusta það og aðstoða til virkrar þátttöku á vinnumarkaði í gegnum nám og þjálfun. Fyrir hönd Leiknar var ákveðið að Símenntunarmiðstöðin á Vesturlandi og Framvegis tækju þátt en vegna mannbreytinga hjá Framvegis var það einungis Símenntunarmiðstöðin sem tók þátt og var Guðrún Vala Elísdóttir SMV sem var fulltrúi Leiknar.

Inga Dóra þakkaði fyrir greinargóða skýrslu.

2. Endurskoðaðir reikningar félagsins

Guðrún Lárusdóttir, gjaldkeri fór yfir reikninga félagsins og bar saman áætlun og lokauppgjör. Reikningar voru undirritaðir af stjórn og kjörnum endurskoðendum, þeim Eyjólfí Sturlaugssyni og Valgeiri Blöndal Magnússyni. Tekjur Leiknar á árinu 2016 voru kr. 972.029 (áætlun var kr. 965.000) og gjöld kr. 767.221 (áætlun kr. 1.190.000). Hagnaður var 204.808 en áætlun gerði ráð fyrir tapi uppá 225.000 kr. Eignir í árslok voru kr. 1.626.005. Gerð var grein fyrir ferðakostnaði vegna erlends samstarfs.

Skýrsla stjórnar miðast við skólaár en fjárhagsár miðast við almanaksár.

3. Umræður um skýrslu stjórnar og reikninga

Fundarstjóri gaf orðið laust um ársreikninga og ársskýrslu. Ábending kom varðandi það að mögulega væri hægt að minnka kostnað við hýsingu heimasíðu. Að loknum þeim umræðum var ársreikningur samþykktur samhljóða með handauppréttingu.

4. Fjárhags- og rekstraráætlun og ákvörðun um árgjöld

Guðrún Lárusdóttir lagði til að tillögu stjórnar að árgjald yrði óbreytt 50.000 krónur á hvern stofnaðila. Var það samþykkt samhljóða.

5. Lagabreytingar

Engar tillögur lágu fyrir um lagabreytingar.

6. Kosning formanns

Guðrún Vala Elísdóttir frá Símenntunarmiðstöð Vesturlands gaf kost á sér til formanns. Var hún samþykkt sem formaður með lófaklappi.

7. Kjör stjórnar

Hulda Anna Arnljótsdóttir gengur úr stjórn og í staðinn fyrir hana kemur Helgi Þorbjörn Svavarsson frá Símey. Áfram sitja í aðalstjórn Anna Kristín Gunnarsdóttir frá Mími, Guðrún Lárusdóttir frá Endurmenntun Landbúnaðarháskóla Íslands, Þuríður Sigurðardóttir frá Fræðslumiðstöð Vestfjarða. Í varastjórn eru Helga Gísladóttir frá Fjölmenn og Ólafur Ástgeirsson frá Iðunni Fræðslusetri.

8. Kosning skoðunarmanna reikninga

Skoðunarmenn Leiknar þeir Eyjólfur Sturlaugsson og Valgeir Blöndal Magnússon gefa báðir kost á sér áfram og voru þeir samþykktir með lófaklappi.

9. Önnur mál

Fundarstjóri opnaði fyrir önnur mál. Guðrún Vala Elísdóttir nýkjörinn formaður þakkaði það traust sem henni er sýnt. Hún hefur verið starfandi formaður frá 1. febrúar og hlakkar til spennandi starfs framundan. Fleiri kváðu sér ekki hljóðs og þakkaði fundarstjóri fundarmönnum góða fundarsetu og sleit fundi.